

PLEDPIERLA 2021

Ils ultims suspirs

LAILA THOMA

17 avuost 2019



Las culas giò per mia vista. Ad es ün bel di da sted. Ma per me na. Eau sun in mia stauza e stögl crider. Intaunt ch'èu met mia vista sül cuschin vain mia mamma aint da pörta e disch: «Vè, giainsa aint il god tar el, impè da ster cò e crider.»

Nussas chaminains vers il god.

Lo sto' in pè. El es d'asper Or.

Eau sun trista, ma las larmas nu culan pü, perche ch'èu al poss glischer e discuorrer suot vusch cun el.

Sir Henry taidla. Eau d'he il sentimaint ch'el discuorra cun me e sieu cumpagn Or. Ils chavals as guardan tuot trists. A pera cha piglian cumgio ün da l'oter.

La patruona m'ho dit, cha las dulars svaneschan cun s'indrumanzer.

Uossa es que uschè in-avaunt. Chau, meu cher Or, sto bain.

Ils ultims razs d'sulagl splendoran traunterour la ramma sün meu pail. La veterinaria vain cun üna valisch in maun. Tuots sun quiets. Ella prepara üna squitta e disch cha que saja ün liquid ch'i'm fatscha gnir

staungel. Il piz da l'aguoglia tuocha mi'avaina dal culöz. In conguel cun mias dulars da las listiras e dals chüerns pera que be üna muoscha chi'd es placheda sün meu pail. Eau dvaint adüna pü staungel.

Che bels mumaints ch'èu d'he pudieu passer il ultims ses ans da mia vita. Ma eau sun gnieu vegl.

Di per di d'heja giodieu ils pasculs. Eau d'he pudieu maglier e giaschair. E fer galoppedas dal plaschair. Adüna nu d'eira que uschè. In mieus ans da giuventüna vaivi da mner la prestaziun e fer impreschiun suot la sella. Eau stuvaiva savair fer tuot las lecziuns da dressura, per cha mia anteriura patruona hegia baja. Eau nu vögl niuncha penser landervi, schabain cha minchataunt d'eiri superbi da tuot meu savair. Serro aint in üna stalla cun pocha liberted - uschè d'heja passanto mieus ans da giuventüna. Di per di il listess. Stalla - dressura - stalla - dressura. Fin a quel di

ch'èu nu d'eira pü in fuorma. Eau sun gnieu vendieu. Che furtüna ch'èu d'he pudieu turner in Engiadina e passer il pü bels ans da mia vita cun quista famiglia.

Però patieu d'heja eir cò. Mias chüerns nu'm vöglian già lösch pü purter. Ils medicaments haun güdo da cumporter il mel. Adüna darcho medicaments. Her saira nu suni pü rivo da fer ün pass. Eau sun staungel. La patruona m'ho dit ch'èlla nu riva pü da'm güder. Neir culs medicaments.

Il mel svanescha. Tuot dvainta pü liger. Eau bad il maun da la matta e la patruona sün mia speda e sül nes. Que fo bain. Tuots sun tar me.

Darcho üna pizchadina ill'avaina dal culöz.

Il cour batta... batta... batta... batta. Tuot as tira insembel. L'ultim suspir. Il cour nu batta pü.

Ils ögls sun avierts. A glülschan scu ün spivel. Eau d'he bado cha l'orma da Sir Henry es ida cun l'ultim suspir. Da'l lascher ir per adüna am fo mel il cour. Eau vegn a piglier üna forsk e tuorn darcho. Eau tagl giò ün töch da la comma. Quel tschüf chavels nairs saro meu portafurtüna. Per adüna.

Laila Thoma da Cinuos-chel ha guda gnà cun quest text la concurrenza da la Plima d'aur en la categoria «Engiadina» da la 3.-4. classa. Quella categoria aveva sco tema «In animal raquinta da sia vita». Durant la stad publicgescha la FMR tut ils indesch texts victurs da la concurrenza Plima d'aur/Pledpierta, organisada da la Lia Rumantscha.



La polizia simbolica

Co èsi atgnamain da numnar per rumantsch quests guaffens, las «Handsellen»? Insumma, er la fotografia sura è in da blers «malets simbolic» che la Polizia chantunala trametta qua u là ensemen cun sias comunicaziuns a las medias. Quest maletg è perfin

in exemplar actual: questa mesemna ha la polizia numnadamain tramess questa fotografia simbolica en connex cun in cas da violenza corporala a Cuiira. In giuvenot da 19 onns è vegnì arrestà. E per illustrar il cas, ha la polizia duvrà il maletg d'arrestaziun. El pudess es-

ser or dad in cudesch da scolaziun. Ah gea, i resta la dumonda: Co numnar las «handsellas» per bun rumantsch? Tenor dicziunari: «pasturas» u «chanvettas». Insumma, ils dus plets vegnan ad avair grev da sa metter tras encunter las «handsellas». (fmr/dat)

IL TIP

Per viandar e per muments divertents

HANS HUONDER/FMR



Dacurt è cumpari il cudesch «Sagenhafter Wanderführer Surselva». Malgrà ch'el porta in num tudestg, cuntegna el er passaschas rumantschas. Atura dal cudesch è Sibylle Mani ch'è creschida si a Mustér e che abitescha a Turitg. Lars Haefner e Tania Zanetti han collavurà vi da questa interessanta ovra cun 240 paginas.

Il cudesch cuntegna 21 propostas per spassegiadas en la Surselva. Sper bleras fotografias e skizzas da lieus e da la cuntrada da questas spassegiadas, pon ins er chattar mingamai indicaziuns davart la durada da la viandada, la differenza d'autezza, la grevizza da quella sco er ils lieus da partenza ed arrivada. La particu-

ritad da quest cudesch, cumpari en la Chasa editura Apart, èn las ditgas. Tar mintga proposta dad ina spassegiada datti pliras ditgas che pertutgan il lieu e quellas èn er da chattar en il linguatg original en il cudesch: per rumantsch. Latiers vegnan bleras indicaziuns - per part er istoricas - dals lieus pertutgads.

In carta dat ina buna survista davart las spassegiadas ed excursiuns descrittas en il cudesch. Igl èn turas da differenta lunghezza e grad da grevizza. Ed uschè variantas sco las turas èn er las ditgas en il cudesch: Da la nebla naira sin l'Alp Curnera, il chatschader ed il rustg, il signun ed il diavel ni er il bov da Lavaz, il signun en il Lag Brit ni il striun dal chau-va-dè en l'Alp Val Tenigia e la stria da Matergia a Muschaneras. Igl è in cudesch fitg variant e surtut er in'interessanta curella per uffants e creschids sin las differents excursiuns.

Di per di dat ina redactura u in redatur da la FMR in tip a lecturas e lecturs - in cussegl u ina recumandaziun, senza impegn e senza garanzia che quel «tip» plaschia alura a tuttas e tuts.

«S'inamurar - pretenda fantasia!»

Verdads ed ortgadads da Gion Deplazes, Ovras Viers autras rivas

AURA

Fin sonda puspè detg sulegliv

Situaziun generala: La notg passada han manà vents dal nordvest aria pli frestga, ma er marcantamain pli sitga sur il territori alpin. Oz: Nord da las Alps e Grischun Central: La damaun anc surtratg ed ultims uradis, alura scleridas e pli e pli sitg. Temperatura la damaun

